



REPUBLIKA E KOSOVËS - REPUBLIKA KOSOVA
KOMUNA VUSHTRRI – OPSTINA VUCITRN



Drejtoria për Prokurim Publik

Duke vendosur në çështjen administrative, sipas Kërkesës për Rishqyrtim të subjektit në procedurë: Grup i OE "NNT BINI" SHPK & TOIFOR SHPK, me seli në Podujevë, Autoriteti Kontraktues – Drejtoria për Prokurim Publik e Komunës së Vushtrrisë, pas mbajtjes së seancës jo publike të shqyrtimit të kërkesës të subjektit në fjalë, në bazë të nenit 108/A pika 6 lidhur me pikën 10 paragrafi 10.1 të Ligjit për Prokurimin Publik në Kosovë nr. 04/L-042 i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, me datën **04.09.2023**, merr këtë:

V E N D I M

- 1. Refuzohet si e pabazë** Kërkesa për rishqyrtimin lidhur me Njoftimin Letër për Tenderuesin e pasuksesshëm, të subjektit në procedurë: Grup i OE "NNT BINI" SHPK & TOIFOR SHPK, me seli në Podujevë, në procedurën e prokurimit me titull: "Ndërtimi i kanalizimeve sipas Lot1 deri Lot3", Nr.Prokurimi: VU644-23-2787-5-1-1, Nr. i brendshëm: VU644-23-020-511.
- 2. Vërtetohet si i bazuar** Vendimi i Autoritetit Kontraktues – Drejtorisë për Prokurim Publik për vazhdimin e aktivitetit në bazë të Njoftimit mbi Vendimin e Autoritetit Kontraktues të dt. **29.08.2023**.

A r s y e t i m

Autoriteti Kontraktues – Drejtoria për Prokurim Publik (në tekstin e mëtejme A.K.) në bazë të rezultatit nga procesi i ekzaminimit, vlerësimit dhe krahasimit të tenderëve ka marrë vendim që ta rekomandoj për dhënie të kontratës për aktivitetin: "Ndërtimi i kanalizimeve sipas Lot1 deri Lot3", OE "ALFA.i" SHPK, me seli në Istog, ndërsa, Grupi i O.E.: "NNT BINI" SHPK & TOIFOR SHPK, me seli në Podujevë, (në tekstin e mëtejme Ankuesin) ta radhit në mesin e O.E. të papërgjegjshëm, bazuar në procedurën e zbatuar.

Njoftimi mbi Vendimin e A.K. si dhe Njoftimi letër për tenderuesin e eliminuar për Ankuesin janë dërguar për publikim në platformën elektronike më dt. **29.08.2023**, bazuar në dispozitat e Rregullores për Prokurimin Publik.

Në Kërkesën për rishqyrtim, Ankuesi konsideron se A.K. duke vendosur si në Vendimin e dt. **01.09.2023**, ka shkelur dispozitat e LPP-së, konkretisht: nenin 1 par.2; nenin 7 par. 1, 2 dhe 4; nenin 59 par. 2 dhe 4 dhe nenin 60 par.1, si dhe dispozitat e RRPP-së: nenin 4.4, nenin 40 dhe 41 pika 3.

Ankuesi pretendon se:

Se Autoriteti Kontraktues nuk ju ka përmbajtur kërkesave të cekura në DT dhe në kërkesa për dokumente shtesë gjatë zhvillimit të procedurës së prokurimit, me deklaratën e cekur në Njoftimin mbi vendimin e AK-së të dt.29.08.2023 (të shpallur në platformë me 30.08.2023), ku keni rënë në kundërshtim me kërkesat për dokumente shtesë të dt.17.08.2023, ku ndër të tjera keni kërkuar: Një vërtetim i nënshkruar nga Administrata Tatimore e vendit tuaj të themelimit se ju nuk jeni në vonesë për pagimin e tatimeve, ku vërtetimi duhet të jetë jo më i vjetër se 90 ditë kalendarike nga data e hapjes së këtij aktiviteti, duhet të dorëzohet në kopje. Duke shtuar se në bazë të kërkesës së AK-së, është kufizuar vetëm vjetërsia e dokumentit, kurse nuk ndalon që i njëjti të mund të nxirret pas datës së hapjes së ofertave. Poashtu arsyet e eliminimit të OE Toifor SHPK nuk qëndrojnë, pasi që i njëjti është në marrëveshje dhe është duke iu përmbajtur marrëveshjes për shlyerjen e borxheve.

Lidhur me këto pretendime, **Autoriteti Kontraktues**, pasi që i shqyrtoj një nga një pretendimet e Ankuesit të parashtruara në Kërkesën për Rishqyrtim dhe vlerësimin të provave në shkresat e lëndës, gjeti se Kërkesa e Ankuesit **është E PABAZUAR** në tërësinë e saj, për arsye se:

Marrëveshjen për pagesën e borxheve tatimore me këste në ATK Nr. 19672 e dt. 31.05.2023, në emër të OE-ve – Tatimpaguesit "Toifor" sh.p.k., si anëtar i Grupit të OE-ve, rezulton se ju nuk keni përmbushur Kërkesat e Pranueshmërisë, në kuptim të nenit 65 paragrafi 5 të LPP-së, që ndërlidhet me periudhën kohore kur OE duhet të jetë i pranueshëm, që nënkupton se një O.E. duhet të jetë gjithmonë i pranueshëm në kuptim të dispozitave të nenit 65 paragrafi 5 të LPP-së para datës së publikimit të Njoftimit për kontratë. Në bazë të të dhënave nga aktiviteti i prokurimit në fjalë rezulton se Njoftimi për Kontratë, në platformën elektronike është publikuar me dt. 03.04.2023, ndërsa Marrëveshja për pagesë të borxheve tatimore me këste, ATK Nr.19672 në emër të anëtarit të Grupit të OE-s "Toifor sh.p.k. është lidhur me dt.31.05.2023. Rrjedhimisht, bazuar dhe në interpretimin e Komisionit Rregullativ për Prokurimin Publik nr. 64 dt.17.04.2019, më tej KRPP, citojmë interpretimin "**Nisur nga fakti se shumë O.E. kanë marrëveshje për shlyerje të borxheve me ATK-në, KRPP sqaron se edhe në rastin konkret, marrëveshja për shlyerje të borxheve duhet të jetë para datës së publikimit të njoftimit për kontratë**" mbarim i citatit, që në rastin konkret Marrëveshja e O.E. është lidhur pas datës së publikimit të Njoftimit për Kontratë, ku OE „Toifor“ sh.p.k. është vlerësuar si i papranueshëm dhe tenderi i Grupit të OE-ve në fjalë si papërgjegjshëm, sepse rrjedhimisht dokumentin si të tillë e bën jo të rregullt, të papranueshëm dhe në kundërshtim me interpretimin e KRPP-së, ndërsa OE e vlerëson si OE të papranueshme, respektivisht të papërgjegjshme, pasi që nuk i përmbushë Kërkesat e Pranueshmërisë së Përshtatshmërisë, në kuptim të nenit 65 paragrafi 5 të LPP-së, që ndërlidhet me periudhën kohore kur OE duhet të jetë i pranueshëm.

Procedura është zhvilluar bazuar në dispozitat e Ligjit për Prokurimin Publik në Kosovë nr. 04/L-042 i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092. Neni 33 paragrafi 1 (Procedurë e Hapur) ka pasur për qëllim promovimin e transparencës, neni 60 paragrafi 1 pika 1.1 (tenderi i përgjegjshëm me çmimin më të ulët të peshuar) ka pasur për qëllim që bazuar në të gjeturat dhe rezultatet nga procesi i ekzaminimi dhe vlerësimi të tenderëve të vendosë për dhënie të kontratës O.E. me tenderin e përgjegjshëm

me çmimin më të ulët. Mbi këtë bazë A.K. vlerëson se Vendimi i A.K. i dt. 29.08.2023 është marrë bazuar në kushtet, rregullat dhe procedurën e përcaktuar ligjore të LPP-së. Vendimi, sikurse ka vlerësuar A.K., është i mbështetur mbi baza ligjore e faktike, i pandikuar, që nuk diskriminon dhe që ka një transparencë të lartë të vendimmarrjes dhe po ashtu duke zbatuar kërkesat procedurale dhe qenësore të dispozitave të LPP-së.

Nga sa u tha me lartë, e në përputhje me nenin 108/A pika 10 paragrafi 10.1 të LPP-së A.K. vlerëson se pretendimet ankimore të Ankuesit janë plotësisht të paargumentuara dhe për rrjedhojë të pa bazuara, andaj A.K. konstaton se nuk ka asnjë arsye të vendosë ndryshme nga ajo që është thënë si më lartë, andaj u vendos si në dispozitiv të këtij vendimi.

**Autoriteti Kontraktues – Drejtoria për Prokurim Publik
K.R. nr. 020/2023 - datë 01.09.2023**

Drejtoria për Prokurim Publik


Alban Tahiraj - Drejtor

Vendimi i dërgohet:

1. 1x Palës,
2. 1 x DPP-së, dhe
3. 1 x Arkivit (1 kopje)